



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Benedictus Redivivus Hoc est: Benedictinij Ordinis  
Vetustißimi Amplißimique, Nostra, ac supera ætate  
Jmmarcescibilis Vigor, ac Viror**

**Bucelin, Gabriel**

**[Veldkirch], Anno Christi. M.DC.LXXIX.**

lesu Christi Anmus [i. e. Annus]. M.D.LI. Sancti Patris Benedicti. M.LXXI.

**urn:nbn:de:hbz:466:1-38498**

Ab Aula  
absolvi sol-  
licitè urget.

losius sub cœlo esse distinctissimè ob-  
servavit; nec in Regùm solummodò  
virorum manuuctione, sed in Regi-  
narum quoque validè persuadentium  
& persuasarum directione, ac prop-  
terea enixissimis à Regina precibus un-  
petravit, & ab Episcopali absolvi mu-  
nere, & ne deinceps Reginam audire  
cogeretur, ab Aula dimitti.

Paulus  
Neccarus  
Abb. Urfsi-  
nensis.

In superiore Germania inter plu-  
timos rei Catholicæ strenuè satagen-  
tes Prælatos, multis se meritis com-  
mendat Paulus Neccarus Patriciâ No-  
bilitate vir, Abbas Ursinensis & insi-  
gni non minus pietate quàm erudi-  
tione, & quæ in magnis requiras, singu-  
lari liberalitate & morum gravitate.

Fuit strenuus & disciplinæ pro-  
motor & studiorum, assèverare solit-  
us: *Monachum sine libris & lectione, esse  
militem sine armis, & armorum exercita-  
tione.* Hic in circumjacente provincia  
plurimum laboravit, ne Kauffburæ in-  
valefcens Hæreseos venenum latius ser-  
peret, multòsq; retinuit jam in præ-  
ceps agendòs. *Ex monim. Monast. ejus-  
dem.*

JESU CHRISTI ANNUS. M.D.L.  
Sancti Patris Benedicti. M. LXX.

Petrus Ar-  
chiep. Bi-  
sunt. S. R.  
E. Cardi-  
nalis.

Iterum Galliarum Regna floren-  
tissimis prægnantia lilijs, cœlum  
terrâsq; mirâ recreant fragrantia. Ex  
his Illustrissimus vir Petrus de Baulme,  
ex Monacho Sancti Claudij Episcopus  
Genevensis, inde Archiepiscopus Bi-  
suntinensis, demum Eminentissimus  
sanctæ Romanæ Ecclesiæ Cardinalis  
Titulo Pammachij sanctorum Joan-  
nis & Pauli, Filius Guidonis de la Bau-  
me, & Henrietta de Longovico, Prin-  
ceps optimus, & qui ob injurias gravis-  
simas, & damna ab Hæreticis Genevé-  
sibus illata, & generosissimè tolerata,  
nec non tristissimum exilium, inter  
Martyres merito censerit debeat, Com-  
mendavit se deinceps insigni vitæ ex-  
emplo Bisuntio & toti Burgundiæ, nec  
minus Romæ, cum inter purpuratos  
Patres bis Eminentissimus & virtute,  
& eruditione esset, inter firmiora sua  
ætatis columina celebrandus.

Martyrum  
compar.

V. Cypria-  
nus Nuca-  
lensis Phœ-  
nix Hisp-

Sed ne Hispania Gallijs viderentur  
cedere, ibi se quoque insignia Ordinis  
luminaria prodidère, è quibus Cy-  
prianus de la Huerga, Nucalensis Cæ-  
nobij longè felicissimi, & sanctorum

virorum prænantissimi, splendidif-  
simè enituit, Doctor & Complutensis  
Collegij Rector, tantâ vir eruditione,  
ut Manrique, ipsum *Hispanie Phœnicem*,  
appellare non dubitaverit, qui statim  
ut gradum Doctoratûs meruit, sacro-  
rum Bibliorum cathedram meruit.  
Extant præclara ejus Commentaria in  
varios sacre scripturæ libros. Quo ip-  
so tempore etiam Christophorus de  
Castilicis floruit, qui ex Monacho Val-  
lis Ecclesiarum, ad secretiora & intima  
Ferdinandi Regis, ac dein Casaris  
admissus consilia, de eodem multo  
nomine meruit, de quo plura suo loco.

Celebrantur hoc ipso etiam anno  
plurimi ex Ordine nostro viri eruditi:  
è quibus effulsit clarissimus, editisque  
ingenij monumentis ceber Benedic-  
tus Canophilus Sanguinus Casinensis  
Monachus U. J. D. cujus celebrantur  
maximè sequentes libri

- De Foro Fori & Foro Poli* Liber I.
- Repertorium Juris Civilis* Liber I.
- Multa in Jure Canonico* Liber I.
- Summa Rerum* Lib. I. & plura alia

Neque minore commendatione  
dignus Miniatus Pittas Nobilis Floren-  
tinus Monachus & Abbas S. Miniati  
Florentiæ, Mathematicus præstantis-  
simus, qui plura, maximè in Mathe-  
maticis, ingenij reliquit monumenta,  
& *librum insignem de nominibus antiquis  
& recentioribus omnium civitatum, &  
Regnorum totius Orbis.*

In Germaniâ inferiori, famâ no-  
minis Illustrissimi & familiæ celebra-  
tur Illustrissimus & Reverendissimus  
Dominus F. Carolus de Croij Comes  
Proceanus Henrici & Catharinæ Cha-  
stauriantia filius Philippi Ducis Ar-  
schottani frater germanus, ex Mona-  
cho Afflighemiensî, loci ejusdem Ab-  
bas, inde etiam Altimontensi, tum &  
S. Gisleni Cænobio prælatus, demum  
Tornacensis creatus Episcopus, cucul-  
li in tanto honore amantissimus & re-  
verentissimus, & Cænobij maximè Gis-  
leniani, in quo etiam mortalitatem  
exiit, & sibi sepulchrum elegit.

JESU CHRISTI ANNUS. M.D.LI.  
Sancti Patris Benedicti. M. LXXI.

Inter tumultus, fluctus, nebulas &  
tenebras Germaniæ obscurissimas,  
emicantibus hinc & inde luminibus  
solida cum pietatis, tum eruditionis,  
ut partim jam vidimus, partim deinceps

Benedictus  
Canophi-  
lus.

Miniatus  
Pittas.

Carolus C.  
de Croij ab-  
bas Afflig-  
hemij &c.



ceps videbimus, ex Ordine nostro verè Illustrium cum virorum tum Virginum, in sine præ alijs sydus hoc anno illustrat inferiorem Germaniam, Beata Joanna Monialis Bellopratenfis, lectissima DEI Sponsa. Hæc nobilibus nata parentibus, familiâ de Spirinx cognominata, Nobilitatem aviti stemmatis, inter minima duxit, & *Conversarum*, sic vocant ancillas Religiosas, *Sororum nostrarum* statum: longè præhabuit, exoratisque parentibus, ut inter easdem Bellopratensi in Canobio sibi vivere liceret, multis precibus, agrè obtinuit, eâ tamen lege, ut vilibus officijs haud implicaretur. Votis adstricta Monachicis, parentum soluta imperio, tantum abest, ut abjectis & vilibus applicari nollet, ut humilitatis quod quæsierat studium, etiam contentim, non solum ultro, amplexa in solo illo eminere, cum universis contenderet, & abjectissimis totius Monasterij ministerijs, velut soli sibi destinatis se totam addiceret, eaque summâ indultâ exambiret, maximâ animi consolatione tractaret, viliorquè in oculis suis quotidie fieret, & indignam se prorsus in Domo DEI servire crederet, idque summæ gratiæ loco haberet, & instantissimis precibus à Domina Abbatisâ efflagitare, ut sororibus in stercoreatione jumentorum occupatis, sibi liceret suppetias ferre, quod & impetravit, multumque inde gratiæ à Numine meruit, tanto hodie etiam in terris celebrior, quanto amplius se humiliasset. *Ex Rasis, & pluribus Belgij script.*

Et ne superâ quoque Germaniæ sua defuisse luminaria existimes, etiam in proximo pestilentissimâ lue Hæresum infectissimâ Urbis, admirandis sanctioris vitæ splendoribus elucescit, hoc ipso ad laborum evocatus præmia Henricus cognomento Clausius, Abbas Wiblingensis, Vir insigni vitæ innocentia, Zelo ferventissimus disciplina, qui Fidei luce illuminatissimus, nihil omnino prætermisit, Apostolico succensus fervore, quò à Veritatis tramite aberrantes in viam reduceret, id ipsum non solum Verbo & exemplo sanctissimo conatus, sed scriptis melle fluente calamo, dictamine Divino libris, de cultu in primis Sanctorum [ ab Hæreticis sui temporis sceleratissimè pro-

scripto ] eorum ipse observantissimus, & contemplatione cœlestium, quantum mortali homini in terris licet, istdem proximis; quibus nomen suum, magno posterorum solatio, labore utilissimo commendavit. Scripsit autem sequentia.

- Hierapolim, sive de Cœlesti Curia.* Lib. I.
- Orationes diversas ad Cœlestem Curiam* Lib. I.
- Speculum propria Cognitionis.* Lib. I.
- Dialogorum Vitæ Christi.* Lib. 3.
- Dialogum, cui Titulus: Negligens Pater.* Lib. I.
- Miscellancorum* Lib. I.
- Sermonum variorum ad suos habiturum.* Eius ingenii monumenta. Lib. I.

*Exercitium devotissimum ad DEUM & Patronos* Lib. I.

*Commendationem devotam ad S. Annam.*

*In Caput Regule sanctissime de Observatione Quadragesima; Sermones duos.*

*Apologiam pro se adversus quemdam Apostatam.*

*Dialogum ad Patrem & Filium ad Religionem aspirantem.*

*Epistolarum ad diversos scriptarum.* Lib. I.

Vivere desijt in terris, cœlo pridem maturus integerrimæ Vitæ Præsul jam decrepitu senex, præsentis anno die decimâ tertiâ mensis Augusti.

Eodem anno pro egregio Vitæ exemplo & meritis Eminentissimo Patrum purpuratorum Collegio, à Julio III. Pontifice Maximo adscribitur Frater Georgius noster, Martinus Hungarus, vir præstantissimus Monasterij prope Budam S. Paulo sacri Monachus, quem falso Alphonius Ciacinius & Panvinus, Monasterij decepti nomine, Ordini S. Pauli, in Ungaria frequenti tribuunt. Ipsum maximi fecit Carolus V. Imp. Aug. & quod dignissimus videretur, Pontifici pro galero purpureo commendavit.

TESU CHRISTI ANNUS. M. D. LII.

Sancti Patris Benedicti. M. LXXII.

Iterum mira constantiæ, patientiæ, resignationis in placita Divinæ Majestatis tota Germania, virorum sceminarumque in Ordine nostro exempla, hinc Schmalkaldicis, inde Mauricio Saxone, & Alberto Brandenburgio, in Monasteria sacrasque Deo ades hostiliter grassantibus, nostris inter infinitas arumnas, ignes, enses, DEUM, ut Benedictinos, decebat benedicentibus, cum nobilissima quævis Monasteria

Joanna Bellopratenfis

Extrema huiusmodi

Henricus Clausius Abbas Wibling.

Georgius Martinus S. R. E. Cardinalis.

Patientia mira exempla.

